

SCRIPT OF MORNING GOJRI NEWS BULLETIN 31JAN 2025

1015HRS

مارننگ گوجری نیوز بولٹن 31 جنوری 2025

BUDGET SESSION

پارلیمنٹ غو ۳ بجٹ اجلاس اج سویرے صدر جمہوریہ درویدی مرمو غا دواں ایواناں گی مشترکہ اجلاس تیں خطاب کرن غے نال شروع وے گو صدر جمہوریہ غا خطاب تیں بعد مرکزی وزیر خزانہ نرملا سیتا رمن لوک سبھا تے راجیہ سبھا دواں گا مختصر اجلاس غے دوران اقتصادی جائیزہ پیش کریں گی۔ اقتصادی جائیزہ تیں بعد بجٹ اجلاس غو باضابطہ آغاز وے پبلک وزیر خزانہ مرکزی بجٹ پیش کریں گی۔ لوک سبھا تے راجیہ سبھا مانہ سوموار غے دن صدر غا خطاب تیں گل بات شروع وے گی جس مانہ ارکان اپنی رائے غو اظہار کریں گا تے اُس ور تبادلہ خیال کیو جے غو جس مانہ صدر غا خطاب ور شکریہ ادا کرن توں بعد بحث شروع وے گی۔ مالیاتی بل۔ ۵۲۰۲ وقف ترمیمی بل ۴۲۰۲ ہجرت تے غیر ملکی بل ۵۲۰۲ ریلوے ترمیمی بل ۴۲۰۲ تے بینکنگ قوانین ترمیمی بل ۴۲۰۲ ور بحث تے منظوری واسطے غور کیو جے غو۔

CM OTM

وزیر اعلیٰ عمر عبداللہ نے کہیو ان غی حکومت غی پہلی ترجیح جموں کشمیر نانہ عالمی سیاحت گو مرکز بنانو ہے۔ انہاں نے یہ گل ممبئی مانہ اوتھانڈ ٹریول مارٹ ۵۲۰۲ غا جموں کشمیر سیاحت پیولین غا دورا غے دوران کہی۔ ۰۳ جنوری تیں ۱ فروری توڑی جاری رہن آلا اس ایونٹ نے عالمی نمائش کنندگان تے خریداراں نانہ اکٹھو کیو ہے جت اپنی منفرد پیشکشاں نانہ ظاہر کرن واسطے ایک پلیٹ فارم فراہم کیو جے۔ اس سال ۱ سو ۰۲ سیاحت آپریٹراں غا شرکت غے نال جموں کشمیر نے اپنی قدرتی خوبسورتی تے ثقافتی ورثہ غی نمائش کی۔ وزیر اعلیٰ نے محکمہ سیاحت نانہ ہدایت کی کہ قومی تے بین الاقوامی ٹریول مارٹ تک رسائی نانہ بدھایو جے جس غو مقصد تعاون نانہ فروغ دینو تے سیاحاں غی تعداد مانہ اضافو کرنو ہے۔

LOC POONCH

پونچھ سیکٹر مانہ قبضہ لکیر غے نیڑے دہشت گردان کی نقل و حرکت گو پتو چلن گے بعد فوج گا جواناں نے دراندازی کی کوشش نانہ ناکام بنا دتو۔ فوجی زریعاں نے دسیو ہے جے فوج نانہ کھاری کرمارا علاقہ مانہ دہشت گردان کی موجودگی کی خبر ملی تھی جس گے بعد گولہ باری گو تبادلہ ہویتے اس توں بعد فوج نے علاقہ مانہ تلاشی کاروائی شروع کردتی تاکہ مزید خطرہ توں بچو جاسکت۔ وائیٹ نائیٹ کاپس کی طرفوں دہشت گردان کی نقل حرکت کی تصدیق کی گئی ہے۔ چونکہ علاقہ مانہ حفاظت تے آئیندہ خطرات توں بچن واسطے کاروائی اجوں جاری ہیں تے مزید تفسیلات کی اجوں اڑیک ہے۔ فوجی اہلکاراں نے ۲ دہشت گراں مانہ مار مکایو ہے تے اُن گا قبضہ تیں کافی تعداد مانہ گولو سکو بدآمد کیو گیو ہے۔

JAVED DAR

امداد باہمی گا وزیر جاوید دار نے کساناں تے دہی برادریاں کی فلاح و بہبود ور توجہ مرکوز کرتا واں امداد باہمی سیکٹر نانہ مضبوط بنان مانہ جموں کشمیر کی پیش رفت گو خاکو پیش کیو اقوام کی طرفوں ۵۲۰۲ مانہ امداد باہمی گو بین العوامی سال قرار دین گے نال وزیر

موسوف نے عالمی موضوع کاپریٹو بلڈ اے بیٹر ورلڈ واسطے جموں کشمیر گا عزم ور زور پایو اس دوران خاص اقدامات مانہ ۵ سو ۷۳ پیش گی حساب کاری ۱ سو ۴۴ پردھان منتری کسان سمردی کیندرا تیار کرن گے نال نال ۴ سو ۰۸ مشترکہ خدمات مرکز شامل ہیں۔

RANA COAS MEET

قبائلی امور غا وزیر جاوید رانا نے فوجی عملہ غاچیف جنرل یویندر دیودی غے نال جموں کشمیر غا باشندان نانہ متاثر کرن آلا وسیع مسائل ور تفصیلی بات چیت کی خاص طور ور وے لوک جھڑا قبضہ لکیر غے نال ہیں۔ میٹنگ غے دوران سرحد ور محفوظ نقل وحرکت غی حرورت آباد علاقاس مانہ مائیننگ ختم کرن تے چرائی زمیناں تک رسائی نانہ یقینی بنان ور توجہ مرکوز کی گئی۔ رانا نے بی۔آر۔او سڑکان سمیت بہتر رابطاں گی ضرورت ور روشنی کہلی۔ انہاں نے دور دراز علاقاس مانہ پرتھی کیمپنیاں غی تجویز پیش کی۔ تے علاقائی فوج مانہ گوجر رجیمینٹ قائم کرن غی تجویز دتی۔

CS AMRIT

چیف سیکرٹری اٹل ڈلو نے ۲ اشارہ صفر امرت ور ۶ ویں سطح گی سٹرینگ کمیٹی گی میٹنگ گی سدارت کی تے میٹنگ گے دوران منصوباں گی پیش رفت تے عمل آوری گو جائیزو لیو میٹنگ نال خطاب کرتا وان چیف سیکرٹری نے امدندان نانہ ہدایت کی ہے جے زیر التواعہ ڈی پی آر مانہ تیزی لیاویں تے نال ہی ٹنڈرنگ نانہ تیز کریں تے ہموار کم کاج نانہ یقینی بنان واسطے رکاوٹ مانہ دور کرن گی وی ہدایت جاری کی۔ پانی گی فراہمی تے شہری ترقی نانہ بہتر بنان واسطے حکومت گا عزم ور زور دیتا وان انہاں نے حکام ور زور پایو ہے جے شہید گی مخصوص ضروریات گو جائیزو لیں۔ تے اس گے مطابق عمل درآمد نانہ ترجی دیں واضع رہ جے ہون توڑی پورا جموں کشمیر گا برا قضباں واسطے ۳۶ ڈی پی آر نانہ منظور دے دتی ہے چیف سیکرٹری نے منصوباں نانہ ویلے سر مکمل کرن تے بہترین کم کاج نانہ یقینی بنا واسطے نگرانی رکھن ور وی زور پایو ہے۔

ROAD SAFETY

سڑک حفاظت نانہ بادو دین آلے پاسے کوشش گے تحت کل ویر ہاوس جموں مانہ سڑک حفاظت مانہ گا حسہ گا طور ور ایک خصوصی تقریب گو انعقاد کیو گیو ال جموں کشمیر ٹرانسپورٹ ویلفیر ایسوسی ایشن گے زیر اہتمام موٹر ویکل محکمہ میڈیکل ہیلتھ گا اشتراک نال اس تقریب گو اہتمام کیو تھو جس مانہ گڈی چالکاں گے عوام اکٹھاں کرگے سڑک حفاظت بارے آگاہ کیو گیو اس دوران گڈیاں لاریاں بارے محکمہ گا ماہرین نے ٹریفک قوانین بارے اہم معلومات سانجو کیو پروگرام گا اختتام ور ٹریفک قوانین ور عمل کرن تے سڑک حفاظت نانہ ترجیح دین گو عہد وی کیو گیو۔